

資治通鑑考異

一
函
十
冊

函

資治通鑑考異卷第十三

端殿學兼翰林侍讀學士中矣提舉西京嵩崇福宮上柱國河內郡開國食邑三千戶食實封千戶司馬光奉

勅編集

長沙胡元常彝甫審校

唐紀五

開元十年八月杖裴景仙流嶺南

實錄初云

胡本初云作云初

上令集眾殺之李朝隱執奏又下制云集

眾決殺朝隱又奏乃流嶺南蓋本欲斬之也

楊思勗討梅叔焉

胡三省曰周尹上神宗書作梅叔鸞

舊紀云八月丙戌按八月庚子朔無丙戌思勗傳云首領梅玄

成自稱黑帝與林邑真臘國通謀陷安南府今從本紀

十一年五月陸堅欲奏罷麗正供給

舊傳作徐堅今從集賢注記

十一月戊寅祀南郊

實錄癸酉日長至戊寅祀南郊唐厯戊寅冬至祀南郊按長厯去年閏五月來年閏十二月唐厯近是

十二月王峻坐黨引疏族貶蘄州刺史

舊傳云上親郊祀追峻赴京以會大禮峻以時屬冰壯恐虜騎乘隙入寇表辭不赴手敕慰勉仍賜衣一副會許州刺史王喬家奴告喬與峻潛謀構逆敕侍中源乾曜中書令張說鞠其狀峻既無反狀乃以違詔追不到罪之今從實錄

十二年四月壬寅敕宗室旁繼爲嗣王者並令歸宗

舊紀在癸卯今從實錄

岳臺晷長一尺五寸微彊

新志云浚儀岳臺晷尺五寸三分今從僧一行大衍厯議及舊志

十一月

十一月上當脫
十三年三字

上御馬登泰山

實錄唐厯統紀皆云備瀟駕登泰山開天傳信記云上將封泰山益州進白驪上親乘之不知登降之倦纔下山無疾而殫謚曰白驪將軍按泰山非瀟駕可登白驪近恠今從舊志

張萬歲掌國馬

統紀云萬歲三代

胡本代作世

典羣牧恩信行隴右故隴右人謂馬

歲爲齒爲張氏諱也按公羊傳晉獻公謂荀息曰吾馬之齒則

則原誤折

已長矣然則謂馬歲爲齒有自來矣

十四年正月東華公主妻李邵固

東華出降實錄在三月壬子於此終言之

二月己酉遣楊思勗討梅

通鑑梅作梁

大海等

舊紀作庚戌朔今從實錄

四月上欲以武惠妃爲后或上言諫

唐會要云侍御史潘好禮聞上欲以惠妃爲皇后進疏諫曰臣

嘗

胡本無嘗字

聞禮記曰父母之讎不可共戴天公羊傳曰子不復

父讎不子也昔齊襄公復九代之讎丁蘭報木母之怨陛下豈得欲以武氏爲國母當何以見天下之人乎不亦取笑於天下乎又惠妃再從叔三思再從父延秀等並干紀亂常遞窺神器豺狼同穴梟獍共林且匹夫匹婦欲結髮爲夫妻者尚相揀擇況陛下是繫聖之貴天子之尊乎伏願詳察古今鑒戒成敗慎擇華族之女必在禮義之家稱神祇之心允億兆之望又見人間盛言尚書右丞相張說自被停知政事之後每諂附惠妃欲

取立后之功更圖入相之計伏願杜之於將漸不可悔之於已成且太子本非惠妃所生惠妃復自有子若惠妃一登宸極則儲位實恐不安古人所以諫其漸者良爲是也昔商山四皓雖不食漢庭之祿尚能輔翊太子況臣愚昧職忝憲府蘇冕駁曰此表非潘好禮所作且好禮先天元年爲侍御史開元十二年爲溫州刺史致仕表是十四年獻而云職忝憲府若題年恐錯則武惠妃先天元年始年十四王皇后有寵未衰張說又未爲右丞相竟未知此表是誰獻之今去其名也

胡本去作除無也字

十月庚申上幸汝州廣成湯

令狐峘

峘原作恒

代宗實錄云上以開元十四年十月十三日生時

玄宗幸汝州之溫湯有望氣者云宮中有天子氣玄宗卽日還宮是夜代宗降誕按玄宗實錄此月十六日庚申始幸溫湯已

已乃還宮與代宗實錄不同舊紀云十二月十三日生舊后妃傳章敬皇后吳氏坐父事沒入掖庭開元二十三年玄宗幸忠王邸見王服御蕭然傷無媵侍命將軍高力士選掖庭宮人以賜之而吳后在藉中明年生代宗皇帝十八年薨按代宗此年生而云二十三年以吳后賜忠王十八年薨蓋誤以十三年爲二十三年也次柳氏舊聞肅宗在東宮爲李林甫所構勢幾危者數矣無何鬚鬢斑白嘗早朝上見之愀然曰汝歸第吾當幸汝及上至顧見宮庭殿宇皆不洒掃而樂器塵埃左右使令無有妓女上爲之動色使力士詔掖庭按籍胡本無閱視得三人此二字乃以賜太子而章敬吳皇后在選中生代宗按開元二十三年李林甫初爲相二十五年廢太子瑛二十六年乃立肅宗爲太子天寶五年李林甫始構韋堅之獄舊聞所記事皆虛誕年月

不合新書后妃傳全取之今皆不取

十五年正月王君奭勒兵躡吐蕃

吐蕃傳云君奭畏其鋒不敢出今從君奭傳

君奭破吐蕃後軍

君奭傳曰十六年冬吐蕃大將悉諾邏帥眾入寇大斗谷又移
攻甘州焚燒市里而去君奭襲其後敗之於青海之西據實錄
及吐蕃傳入寇在十四年冬此云十六年冬誤也

九月回紇殺王君奭

舊傳云回紇既殺君奭上命郭知運討逐按知運九年己卒君
奭代鎮涼州舊傳誤也

十六年廣州獠馮璘等反命楊思勗發桂州及嶺北近道兵討之

本紀作馮仁智今從思

胡本思上有楊字

勗傳

七月張忠亮大破吐蕃

實錄唐麻蕭嵩傳作張志亮今從舊本紀吐蕃傳

十月己卯幸溫泉己丑還宮

實錄十二月丁卯又云幸溫泉宮不言其還唐麻丁卯幸溫泉
丁丑還宮按此月己幸溫泉恐重複不取

十七年八月癸亥上以生日宴百官

實錄云癸亥朔按長麻是月己未朔癸亥五日也顧況歌曰八
月五夜佳氣新昭成太后生聖人實錄誤也

九月宇文融貶汝州刺史

舊傳曰殿中侍御史李宙驛召禕將下獄禕既申訴得理融坐

阿黨李宙貶今從唐麻

十月又貶平樂尉

唐厯云裴光庭等諷有司劾之積其贓鉅萬計舊傳曰裴光庭時兼御史大夫又彈融交遊朋黨及男受贓等事今從實錄統紀又唐厯云十月乙未按長厯十月戊午朔無乙未今從統紀十八年正月

實錄云癸酉上御含元殿受朝賀按長厯是

是原月

丙

胡本作甲

戊朔無癸酉實錄此年事與本紀唐厯統紀皆不同正月甲子全差誤疑本書闕亡後人附益之新紀止據舊紀全不取此年實錄又云丁巳新迎氣於東郊下制十八年正月五日前天下囚徒常赦所不免者咸赦放之按是月無丁巳諸書及會要皆無十八年親迎氣事唐厯在二十六年正月七日丙子統紀在二十六年正月實錄二十六年正月丁丑又載迎氣大赦其制文推恩大略與此年相似或者實錄誤重出於此今不取

四月

實錄云乙巳駕幸溫泉宮丁未至自溫泉宮按長麻是月乙卯朔無乙巳丁未舊紀唐麻亦無幸溫泉事今不取

六月

唐朝年代記云初裴光庭娶武三思女高力士私焉光庭有吏材力士爲之推轂因以入相時彥鄙之宋璟王峻酒後舞回波樂以爲戲謔光庭患之乃奏天下三十餘州缺刺史升平日久人皆不樂外官請重臣兼外官領刺史以雄其望於是擬璟楊州駿魏州陸象先荊州凡十餘人蕭嵩執奏天下務重實敕舊臣宿德訪其得失今盡失之則朝廷空矣上乃悟遂止按實錄是歲閏六月以太子少保陸象先兼荊州長史璟峻未嘗除外官今不取

烏承玼破可突干於捺祿山

韓愈烏氏先廟碑云尚書諱承洽開元中管平盧先鋒軍屢破奚契丹從戰捺祿走可突干新傳云承玼開元中與族兄承恩皆爲平盧先鋒沈勇而決號轅門二龍據此則承玼承洽一人也今從新書

十月吐蕃遣論名悉獵入貢

實錄十九年七月癸巳吐蕃遣其大臣名悉獵來朝請固和好之約且獻書云云按長厯十九年七月丁未朔無癸巳今從唐厯舊本紀吐蕃傳

十九年正月壬戌王毛仲貶瀼州別駕

實錄十八年六月乙丑王毛仲貶瀼州按唐厯統紀舊紀毛仲貶皆在十九年正月今從之

辛未遣崔琳使吐蕃金城公主求書

實錄十八

胡本八年七月壬申

敕遣崔琳充入吐蕃使癸未命

有司寫毛詩禮記等賜金城公主于休烈諫丁亥以崔琳爲御史大夫八月辛卯降書與吐蕃按吐蕃傳此年十月論名悉獵至京師本紀唐麻皆同十九年正月辛未乃遣崔琳報使二月甲午以琳爲御史大夫三月乙酉琳使

胡本使于吐蕃金城公主因名悉獵請書于休烈乃諫實錄皆誤在前年七月八月按

七月癸丑朔亦無丁亥

一十年二月己巳信安王禪等大破奚契丹

唐麻作庚午今從實錄

一十一年正月遣大門藝討勃海王武藝

新書烏承玼傳云可突干殺其王邵固降突厥而奚亦亂是歲

奚契丹入寇詔承玳擊之破於捺祿山又云勃海大武藝引兵

至馬都山屠城邑承玳望要路塹以大石亘亘原誤宣四百里於是

流民得還土少休脫鎧而耕歲省度支運錢按韓愈爲烏重胤

作廟碑敘重胤父承洽云屢破契丹從戰捺祿走可突干勃海

上至馬都山吏民逃徙失業尚書領所部兵塞其道塹原累石

綿四百里深高皆三丈寇不得進民還其居歲罷運胡本無錢運字

三千萬疑新書約此碑作承玳傳按新舊帝紀及勃海傳皆無

武藝入寇至馬都山事或者韓碑云走可突干勃海上至馬都

山謂破走可突干勃海上追之至馬都山百二十一里胡本百作耳里

作年郭英傑與可突干戰都山然則都山蓋契丹之地也吏民逃

徙失業蓋因可突干入寇而然與上止是一事新書承之致誤

然未知新書承玳傳中餘事別據何書

二十二年正月己丑至東都

唐紀二十六日戊子至東都已丑張九齡至自韶州今從實錄

四月李林甫爲黃門侍郎

舊傳云初侍中裴光庭妻武三思女詭譎有材略與林甫私中
官高力士本出三思家及光庭卒武氏銜哀祈於力士請林甫
代其夫位力士未敢言玄宗使中書令蕭嵩擇相嵩

胡本無久嵩字

之以右丞韓休對玄宗然之乃令草詔力士遽漏於武氏乃令
林甫曰休休既入相甚德林甫與嵩不和乃薦林甫堪爲宰相
惠妃陰助之因拜黃門侍郎玄宗眷遇益深按光庭妻一寡婦
耳豈敢遽引所私代其夫爲相韓休正直雖得林甫先報必不
至薦之爲相今不取

六月張守珪大破契丹

實錄守珪大破林胡按會要契丹事二十二年守珪大破之蓋實錄以契丹卽戰國時林胡地故云然

七月裴耀卿爲江淮河南轉運使

舊紀云充

充原誤允

江淮以南回造使今從舊食貨志

八月耀卿運米省餽車錢三十萬緡

舊志云四十萬貫今從耀卿傳舊志又云明年耀卿拜侍中蕭炅代焉按耀卿二十一年建此議今年爲侍中始置河陰倉後三年方見成効則非作侍中時解此職也

十二月張守珪斬契丹王屈烈及可突干傳首

舊守珪傳屈烈作屈刺契丹傳來年正月傳首今從實錄

身官李過折

舊契丹傳作遇折今從實錄及守珪傳

突厥毗伽可汗卒子伊然立尋卒弟登利可汗立

舊傳伊然立詔宗正卿李誼弔祭冊立伊然爲立碑廟無幾伊然病卒又立其弟爲登利可汗按張九齡集敕登利可汗書云今又遣從叔金吾大將軍佺弔祭又云建碑立廟貽範紀功然則告喪時登利已立矣實錄誼亦作佺

二十三年正月李過折檢校松漠州都督

實錄云同幽州節度副大使舊傳云授特進檢校松漠州都督按過折雖有功唐未必肯使爲幽州節度使今從舊傳

元德秀遣樂工歌于薦

明皇雜錄作于薦新傳作于薦于未詳其義今從雜錄

閏月壬午朔日有食之

舊紀作十一月壬申朔按長曆十一月壬子朔今從實錄唐曆